

書紀績首稱光被春秋大法義始尊王誠以聖作

觀萬國所以咸寧建極綏猷兆民於焉錫福雲日

瞻金玉之式莫先於此也正定爲邦畿右輔沐

列祖

神宗暨我

皇上累朝教養涵濡百有餘載凡飭吏和民寬徭薄賦優

老恤貧諸丕績罔不播諸絲綸頒之渙號煌煌

聖謨久已鑒愚賤之心思矣而猶念民生休戚耳目未易

周知不辭



清問之勞屢舉巡方之典

翠華所經

殊恩疊沛白叟黃童無不道左歡呼親承

膏澤爰於

駐蹕餘閒揮毫染翰作爲詩歌大雅元音堪與晨露卿雲
後先輝映豈僅如漢之大風天馬而已哉

臣大進東

粵儒生奉

命爲守土吏遭際昇平近依日月倘勿克頌揚

列聖之仁垂諸久遠其何以仰答

高深下抒葵藿

敷天時邁卷阿伴矣之盛迹哀爲恩紀一卷凡以見正郭
自昔爲用武之區鴻雁哀嗷幾無寧息今日城郭救
寧田野繡錯庠序普茲歌之化官師盡薪樗之材下
至耕鑿愚氓皆得飲和食德優游於康衢擊壤之化
者其來有自云爾志恩紀

[illegible]

正定府志卷之一

恩紀

詔諭御製

巡幸蠲資

詔諭

聖祖仁皇帝

康熙二十四年四月初十日

上諭戶部朕撫御方夏愛養黎元早作夜思勤求治理間
閭疾苦無時不深軫念欲使民生樂業比屋豐盈惟當
已責蠲租萬姓得沾實惠直隸地方頻遇旱災小民匱
乏宜加恩卹順永保河等處圈占地方應徵康熙二十
一年地丁錢糧已經詔行蠲免所有直隸八府康熙二

十三年未完地丁錢糧盡與蠲除其順永保河未經圈
占地方及真順廣大等處康熙二十四年應徵地丁各
項正賦俱著免三分之一爾部速行該地方官通行曉
諭務使人人得被膏澤以副朕勤恤民隱至意如有不
肖有司借端朦溷私行重徵者或經叅奏或被告發定
行從重治罪爾部卽遵諭行特諭

二十五年十二月

上諭戶部朕惟自古帝王撫馭寰區勤宣德意必軫恤民
隱加惠閭閻俾黎元樂業比戶豐盈而後化協時雍治
登隆理朕念切民依鞠謀生養欲使羣生樂利幹止寧

成惟頻行減賦蠲租庶萬姓得沾實惠前念直隸畿輔
重地王化所宜先大沛恩膏用培邦本而順永保河四
府地方人民較之畿南差役倍多煩苦故將康熙二十
六年地丁各項錢糧同湖南福建四川貴州四省錢糧
盡與蠲免比慮兵餉或有不敷真順廣大四府地方未
經一體蠲免今聞此四府人民間有艱苦朕心深爲軫
念宜速施渥澤均示仁恩著將此四府康熙二十六年
地丁各項錢糧盡行蠲免爾部速行地方官通行曉諭
務使人民均沾實惠以副朕愛育蒼生至意如有不肖
有司官役借端朦混私行重徵者該撫指名題叅從重

治罪如該撫徇隱不行糾舉或經叅奏或被告發定行
一併從重治罪爾部卽遵諭行特諭

五十一年十月十九日

上諭直隸巡撫趙 燮直省督撫每奏報年穀收成朕必
批令預籌積貯以備小有災荒卽行賑濟諭旨甚明并
徑小縣邨落無幾偶遇小災便聞小民不得安堵如果
能遵前旨於豐年豫爲貯積人民何至艱食不安其居
此皆因地方官奉行不實全無儲蓄所致嗣後地方官
須遵朕前旨實心奉行務期有濟民生特諭

六十一年四月初四日

上諭戶部趙燮奏將收貯正定順德各州縣四萬石米平糶其餘州縣有米貴之處亦將倉糧平糶十分之三俱俟秋收後買補還項等語去年各州縣收貯莊頭等所交米石部內曾遣司官會同地方官糶賣其糶米銀兩至今尚未交完據此各州縣收貯倉糧俱無實在平日積貯原爲備荒而設今值青黃不接之時固應平糶但地方官虧空倉糧不過糶賣數石卽借此掩飾伊等虧空究竟倉糧旣虧百姓從何糶買於民生並無益處也現今存倉米穀數果全有卽照該督所請糶賣倘朕遣大臣查看時州縣並無米穀黎庶不得糶買將州縣

官卽行正法該管上司從重治罪

世宗憲皇帝

雍正六年十一月二十六日

上諭據直隸總督何世璽劉師恕奏稱正定府平山縣知縣徐士俊呈稱本年十一月初八日有山西崞縣民張其級帶本銀一百五十二兩五錢往獲鹿縣販買布疋路經平邑途間全銀遺失幸平邑農官郭之蘭之子郭見忠拾獲聞張其級失銀遂同本縣生員杜永召等問明銀數悉行歸還不昧毫厘不受酬謝據鄉約隣佑多人僉稱郭見忠不取遺金衆口如一理合繕摺奏聞謹

典出自特恩等語夫見利思義爲人情之所難而秉彝
好德實人情之所共朕日以興仁講讓訓導萬方務期
薄海內外革薄從忠還醇返樸以成昇平之治乃年來
齊民中不拾遺金者有京師之草夫六十一豫省之翟
世有陳懷金又有直隸平山縣之郭見忠可見質實之
民性皆良善彼此觀感興起率教從風遂覺崇廉尚義
之舉史冊所稱者今則一時屢見雖僉邪匪類盜竊詐
僞之風未嘗盡息而良民順則實風俗漸厚之明徵朕
心深爲嘉悅郭見忠著與八品頂帶賞銀五十兩以表
揚之

皇上諭旨

乾隆十一年十一月

上諭朕巡幸五臺初次經過直隸各處宜沛恩施維是直隸今歲通省錢糧旣已全數蠲除無可加恩著該督那蘇圖查明此次經過州縣內男婦年七十以上者照從前恩詔之例分別賞賚以示優恤高年之意欽此

十三年五月

上諭據直隸總督那蘇圖奏稱正定府屬平山令郭嚴正於河旁度地施工勸諭居民自備工本營治稻田共九十二頃餘又阜平縣境內有沙河濁流該令羅仰鑣沿

河查勘督令居民實力墾治營田五十二頃餘委員勘丈於河亦無妨礙郭殿正羅仰鑣殫心民事朕甚嘉焉視以催科爲能者奚啻逕庭允宜交部議叙朕自卽位以來以生計爲務於凡開墾水利以及樹藝孳畜凡係農桑撫字之事無不諄諄諭令各省督撫督率有司勤於養生之本務而至今未有牧令董勸有方如那蘇圖所奏者則是各督撫及羣有司尚未明曉朕意也且平山阜平二邑之民處山區土瘠而能不惜辛勤墾荒成熟至萬有餘畝是民亦知謀生加以勸諭無不風行著再明諭各督撫遵此旨實力勸諭有司懋勤本圖毋俾

怠玩其有成效優叙例此苟或滋弊以熟作荒僞報希
叙及將湖河灘地本留以瀦水者妄行開墾至盛漲無
所容納反受冲漫之害則國法具在不可假借欽此
聞之自古帝王皇極敷言是彝是訓蓋天子代天理
物一夫不獲時予之辜故其著於綱紀及於民物垂
諸典策蔚爲儀型者莫不有敷天大訓之言使當代
被其恩膏奕世傳爲法守伏誦我

朝諭旨子惠困窮崇獎風節敦本責實而吏治益醇尚齒
引年而化日彌永一時昭融休蘇之恩如天之無不
疇如地之無不載浩乎汪乎孰可名渼爰摭感忱

舞而爲之頌曰

皇矣

大德蕩無能名

聖聖則天握符闡珍仁周萬國允懷於民罔不同道在宥羣
倫

王言如綸其出如綍播彼方夏先此冀宅維茲恒陽星分
昂畢表山帶河去天咫尺重巽以申

湛恩汪濊益似春溫厚因德載有典有則克威克愛義問
宏宣休聲遠逮洋洋

聖謨昭茲來許丕顯丕承懋績鴻緒海立雲垂觀者如堵

士庶欽心式歌且舞

小臣

載筆對揚

王休觀象布治式欽遠猶登之簡首如拱圖球千秋萬禩

宣化承流

巡幸

聖祖仁皇帝

康熙七年冬十月

西巡過正定

駐蹕靈壽凡同故城寨等村二日

二十二年二月

駕幸五臺山道出阜平父老請復縣從之經龍泉關連發三矢逾峰巔萬民嵩呼至今名其地爲三箭山

三十七年

駕幸五臺山往來正定